

中國方志叢書·華中地方·第八二七號

據

清·柏春修，魯琪光等纂
清同治十年刊本

影印

江 西 省

南豐縣志



成文出版社有限公司印行

祥異志

南豐縣志十四

前志附祥異於星野續志謂茲爾一邑詎能按分星度數倣康氏武功志不書星野僅以祥異立門今仍其說蓋和氣致祥乖氣致異一家且然況一邑乎

宋熙甯間游側妻劉氏產鮎元符三年庚辰鶴百餘

翔境內嘉定十五年壬午大水十七年甲申大水

紹定四年辛卯大飢咸淳四年戊辰五月大水拔

蘆舍傷禾稼元至元十八年壬午大水二十二年

乙酉大水二十四年丁亥大飢二十八年丁卯飢

大德七年癸卯夏五月飢命糴直糶糧延祐二年

元

三年丙辰四月飢發廩賑

之書

至治三年癸亥南豐州民飢賑之

元史

泰定二

年乙丑四月飢以糧賑之

元史

至正十三年癸巳大旱

十四年甲午大飢

明天順六年壬午學宮火

成

化十年甲午大飢

十七年辛丑大飢

宏治八年乙

卯通濟橋火

十五年壬戌二月朔地震

十六年癸

卯飢知府舒岷山發粟賑之

正德六年辛未正月十

一日地震七月初昏有星隕如雷

九年甲戌春旱

十五年庚辰雨雪

十六年辛巳地震

嘉靖元年己

卯至四年壬午皆飢

五年癸未雨雹大如盃形如人

面

明史五

八年己丑大水平地丈餘

十六年癸巳

十月星隕如雨十一月地震

十五年丙申夏四月卿

雲繞月 十九年庚子大飢 二十一年壬寅冬十月
有虎自北城入縣廨跳踐民屋入樓殺之 二十三年
甲辰夏大飢秋冬大疫十一月通濟橋火 二十四年
乙巳夏旱 二十八年乙酉歲大有 二十九年庚戌
大有年 三十七年戊午淫雨城壞 四十年辛酉大
疫 四十一年壬戌儒學櫺星門災 四十二年癸亥
大水壞通濟橋 四十三年甲子飢冬雷電 隆慶元
年丁卯春日中有黑子相盪民間譌言拘刷童女競相
婚配 二年戊辰旱傷稼 三年己巳旱 六年壬申
十二月雷電 萬厯元年癸酉旱冬雷電虎暴村落
三年乙亥冬大疫 五年丁丑九月四日有星曳於西

南色赤如火少頃沒晦日彗星見西方形如白雲勢若

拖練根五丈餘濶三丈餘長約十丈由尾厯箕越五度

斗至十一月二十九日乃止 六年戊寅大疫 七年

己卯旱

江西通志

十三年乙酉有年 十四年丙戌大水

傷稼十月熊出覺源寺側山中僧衆捕殺之 十七年

己丑大疫死者枕藉 三十二年甲辰春通濟橋火十

二月地震 三十六年戊申九月通濟橋梁忽斷 四

十年壬子除夕大熱單衣流汗 四十二年甲寅大飢

秋冬不雨 天啓六年丙寅八月文廟火 崇正元年

戊辰春二月雨雪大寒河魚凍死 五年壬申夏雨黑

米味如炒麻大飢 十二年己卯有年 十五年壬午

夏四月飢 十六年癸未五月旱 十七年甲申除夕
虎周行郊外 國朝順治二年乙酉九月四郊民居多
火通濟文明二橋燬 四年丁亥大水大飢 六年己
丑東鄉有桃生梨實 十八年辛丑大水 康熙元年
壬寅旱 五年丙午旱 六年丁未水 七年戊辰六
月雨黑沙 十一年壬子四月大水 十五年丙辰大
疫 十六年丁巳大飢 十九年庚申六月二十五日
通濟橋火九月九日雷大震 四十三年甲申五月大
飢 四十五年丙戌惠政橋火 五十三年甲午七月
大旱 雍正元年邑庠饒大章年百歲妻伍氏年九十
八年庚戌有年 九年辛亥有年夏聚和城樓火

十年壬子惠政橋火 十一年癸丑大飢 乾隆八年
癸亥飢 十年乙丑夏六月二十七都蛟水出湧數丈
董家店漂沒四十餘戶 十八年癸酉二月十七日雨
雹 二十年乙亥秋旱 二十二年丁丑大有年 二
十六年辛巳九月二十六日戌時三十四都龍湖堡民
人鄧君奇之妻朱氏一產三男題報照例賞給 二十
五年五十三都塘礮堡孫世議妻曾氏年百歲後年至
百有三歲 三十三年自正月雨至七月乃閉北門以
祈晴歲祲 三十五年城內邱正禮妻章氏年百歲旌
表如例 四十年大飢 五十年四十七都劉家嶺劉
卿賢妻謝氏年百歲次年旌表如例 五十七年夏五

月大水從西門入灌城燬房舍無算經一晝夜衝決東北城垣出漂沒余家排居民數十家奉
旨賑恤

嘉慶元年城內監生揭斯裕年八十六歲五世一堂

五年秋七月大水東門外惠政橋圯四十二都羅坊漳潭等處漂沒田廬至闔村無一椽存者後乃徙羅坊市於一里外
六年歲飢斗米錢四百五十文
是年城

內貢生張煌妻劉氏俱年七十五歲五世一堂旌表如例
七年旱
是年十五都礫上堡吳德斗妻鄧氏年

九十三歲五世一堂
二十五年大旱斗米錢四百二

十文
道光元年大有年
四年二十八都泰溪堡段

錦江妻鄧氏年八十三歲五世一堂
五年夏五月大

雨傷稼 秋螟 十四年甲午大疫死者枕藉日暮路
無行人 歲飢升米百文 二十九年己酉贈中議大
夫歲貢生劉斯禧之繼妻鄉氏年八十歲五世一堂旌
表如例 咸豐二年壬子十二月雷 三年癸丑正月
大寒河冰樹木多凍死 六月霖雨二十日傷稼 四
年甲寅大水南門子城圯 五年乙卯二十三都從九
品戴文楷年八十九歲五世一堂旌表如例 四五月
有星隨日落 六年丙辰正月朔大霧 六月雨雹大
風拔木空中有物如龍 十一年辛酉六月長星竟天
越三日變爲彗 同治元年壬戌大水 三年甲子西
鄉竹上生人物狀 七年七月雨黑米 八年己巳四

月初八日大水二十八日又大水 雨豆如人面 南
粟黑色 胡坑田間有虎邱姓兄弟三人捕殺之 十
年辛未正月朔雨木冰

辛未五月既雨水

庚子年 辰社田間春氣山花只餘一二入謝矣

庚子年 辰社田間春氣山花只餘一二入謝矣

古蹟志

南豐縣志十五

盱豐締造以來風氣肇於唐宋地以人重人往迹留望
古流連備登舊錄

縣舊治 在四十一都白舍自吳至唐中間或建或廢
皆在於此今其地有城隍廟校場等名隔江又名河東
土人言立縣事甚悉廣昌縣東十五里即宋時文教里
土屯青西英堡也宋置太平銀場崇甯中又置太平巡
司明洪武二十九年廢

一統志

看都銀場 在縣南七十里即百丈嶺九域志南豐縣
有看都茨湖蒙池太平四銀場看都後訛爲刊都太平
即今由舍嶺茨湖在今廣昌縣蒙池無考

一統志

孟太后故壘 縣東十五都柏坪宋隆祐孟太后避金
亂駐蹕於此至今壘蹟猶存又題詩於歎君嶺上猶有
西風二字彷彿可識

府志

超遙臺 一統志作逍遙臺在縣治西唐獨孤令嘗月
夜抱琴登臨弟及有超遙望平川之句故名又名琴臺
亦名鰲坡

南臺 城南對溪巨石突兀溯江而上盱水西來倒影
垂碧軍峯如掌翠浮天外唐泰和中南臺置寺宋治平
中改曰寶崑上有浮圖紹聖時侍郎朱彥所建淳祐三
年六月九日雷火焚塔元至正己丑州達魯花赤阿兒
忠蘭鼎新創建凡七級十有四層萬厯丁酉邑令甯端

鯉重修

國朝康熙庚申正月十六日塔上寶蓋爲大風所墮自後塔頂生木歲久成圍春時花開大如碗日出照之血色斑然人以爲筆花之兆

州志 府志

盍簪亭

在縣北二里宋淳祐間縣令趙汝涯建久決

於水

建昌府姚志

曾密公舊宅

縣東廣慈寺側宋密國公會致堯世居

於此諸子宦達顯揚有司表其地爲奉親坊即今前街

一統志

儒君嶺

在南豐北門外宋時有書樓曾密公幼讀書

於此忽有七人羽衣散髮自外至環列嘿坐密公異而

之皆道德語將出戶顧密公曰勉之君家自此興矣
忽不見因名其地曰仙君嶺今名朝仙坊曾同亨曾氏
遺事記

翟孝子舊宅 四十四都玉漿源宋瞿元肅四世同居
家百五十口長幼孝弟父歿兄弟六人廬墓盡哀鄉人
化之大中祥符九年詔旌其閭大理評事張景有記一
統志州志

曾子固學舍 曾公鞏讀書之所自爲記在縣東奉親
坊即曾密公舊宅府志

書巖樟 宋曾文定手植二樟於書巖之巔 國初爲
河東曾氏伐其一邑人公白有司咎之乃得保其一山

頂土甚薄木瘦而古厯七百年枝葉勁拔可愛

建昌府志

陳文定舊宅

縣西安仁里宋陳文定公宗禮居此淳

祐四年宗禮擢進士第三有司表其地爲魁星坊今人
字街又四十六都千綏文定祖居也故文定自號千峯
而有司亦表其耆曰魁星

花圃 在縣治後今名花園背前代春月官司開園縱
民遊觀廻闌曲檻花卉叢茂有瓊芳錦園之號

長者里 在市山今斗瓦子巷宋曾偕之世居也元大
德中州尹李彞表其閭曰長者里

望煙樓

在邑西郊酒樓段即今之劉家畝雙橋頭宋

曾長者樓登望見鄉鄰有未舉火者則助以薪米里

人名其樓曰望煙其址猶存

水竹居 北郭明按察李萬實別業粵寇過之曰此吾

廣東清官也膜拜而去

曾思孔縣志

蕭忠烈公舊宅 在八都石渠明崇禎時登科匾尙存

方石居 在水東公安知縣趙希階別業與曾文定書

巖址相連背崖臨水別一邱壑人稱方石先生讀書處

溪山精舍 瑤浦宋曾悟讀書之所中有崇文閣藏書

極富自爲記悟殉難有司卽精舍建忠節祠并祀其從

兄志

府志

孤山書舍 了溪明成化間甘孝廉祥讀書之所

甘樵

齋記